

吾

學

編

皇明地理述序

余聞之學士大夫言我朝疆域過於宋敵於唐
不及於漢蓋以失朔方大寧交趾及開平興和玄
菟樂浪燉煌故也夫堯封禹貢閩越無聞荆蠻徐
戎殷周爲梗以今視昔奄甸弘矣述輿地
嘉靖丙寅五月朔鄭曉識

皇明地理述上卷

吾學編第廿一

海鹽鄭曉

洪武三年冬儒士魏俊民黃箴劉儼丁鳳鄭思先
鄭權上 大明志命秘書監梓行授俊民等官先
是 上令俊民等類編天下州郡地理形勢降附
始末爲書凡行省十二府一百二十州一百八縣
八百八十七安撫司三長官司一東至海南至瓊
崖西至臨洮北至北平六年令州府繪上山川險
易圖十六年詔天下都司上衛所城池地理山川
關津亭堠水陸道路倉庫圖十七年令朝覲官上

土地人民圖十八年夏上覽輿地圖侍臣有言
輿地之廣古所未有者上曰地廣則教化難周
人衆則撫摩難徧此正當戒慎天命人心惟德是
視紂以天下而亡湯以七十里而興所係在德豈
在地之大小二十七年寰宇通衢書成書分爲八
目東距遼東都司又自遼東北至三萬衛西極四
川松番衛又西南距雲南金齒南踰廣東至崖州
又東南至福建漳州府北暨北平大寧衛又西北
至陝西甘肅爲驛九百四十浙江福建江西廣東
之道各一河南陝西山東山西北平湖廣廣西雲

南之道各二四川之道三爲驛七百六十六凡天下道理縱一萬九百里橫一萬一千七百五十里四夷之驛不與焉永樂六年張輔沐晟上交趾圖東西一千七百六十里南北二千八百里十六年詔纂天下郡縣志命原吉榮叅攷領其事景泰中修寰宇通志准祝穆方輿勝覽葉盛曰此趙宋偏安之物况直爲四六設今欲成盛代一統之書宜有資軍國益勸戒如地理戶口類不可缺必如永樂中志書凡例克廣之可也陳循不聽笑曰此豈造黃冊耶天順五年撰

大明一統志嘉靖三年

文選郎中夏良勝撰統官志直述郡縣煩簡爲銓
授簿例爾八年少保桂萼上吏部員外郎李默所
撰皇明輿地圖叙記條其風俗阨塞兵賦藩封稍
稱精覈十六年禮部主事許論上九邊圖論條析
鎮塞利害亦爲明練

京畿

京師負重山面平陸地饒魚鹽穀馬果窳之利又
轉漕東南財貨駢集天險地利足制諸胡汴洛關
中江左皆不及也真定北至於永平昔爲內郡乃
今居庸紫荊山海喜峰古北黃花鎮皆稱阨塞故

漁陽保塞重兵屯焉廣平順德大名山東西晉齊
南北舟車並集臨清天津海運故道避洋餉舟下
直沽至漁陽猶海運也河間直保多降胡性獷難
馴東安霸州武清而東野曠人稀凶徒伏匿迤山
有樵牧之利姦人淵藪其中有司莫敢踪跡若乃
水利不修旱澇歲困田野不闢租徭日增馬牧不
蠲坐糜財力貴游不戢兼併膏腴郵傳不節水陸
繹騷關譏不嚴奸胡吮伺皆不可謂非急務也

京畿府八州十九縣一百十六戶四十一萬八
千口三百四十一萬三千賦六十萬一千

順天府

五州

縣

大興宛平良鄉固安永清

東安香河通州

縣四

三河武清寶坻涿州

順義密雲懷柔涿州

縣一

房山霸州

縣二

文安

大城保定薊州

縣四

玉田豐潤遵化平谷

保定府

三州十七縣

清苑滿城安肅定興新城唐

博野慶都容城完縣雄州

縣二

深澤束鹿安州

縣二 高陽新安易州

縣一

涑水

河間府

二州

一十六縣

河間獻阜城肅寧任丘交

河青興濟靜海寧津景州

縣三

吳橋東光故城滄

州

縣三

南皮鹽山慶雲

真定府

五州二十七縣

真定井陘獲鹿元氏靈壽

藁城無極平山阜平定州

縣三

新樂曲陽行唐冀

州

縣四

南宮新河棗強武邑晉州

縣三

安平饒陽

武強趙州

縣六

栢鄉隆平高邑臨城贊皇寧晉深

州

縣一

衡水

順德府

九縣

邢臺沙河和平鄉廣宗鉅鹿唐山

內丘任

廣平府

九縣

永年曲周肥鄉雞澤廣平邯鄲成安

威清河

大名府

一州十縣

元城大名南樂魏清豐內黃濬

滑東明開州縣

長垣

永平府

一州五縣

盧龍遷安撫寧昌黎灤州縣一

樂亭

隆慶州

縣一永寧保安州

南京畿

南京畿開基之地也勝勢在長江太祖自上流和陽橫江渡克采石下太平三戰而入集慶成祖出維揚儀真遡河而上龍潭浦口望風奔潰北至金川啓關納款以故留都守禦卅師爲急藩垣之固專倚江北徐賴跨中原瓜連數省淮安控徐

揚魯齊文武重臣開府作鎮雖職無漕撫而聯絡
兩京廬民多游手野有遺利鳳陽高墻陵墓供億
繕葺財力冗費豐沛之間濁河泛濫幾淪魚鱉轉
餉既艱民亦凋瘵決嚙之患濠泗尤棘揚有嵯臺
富商走集民頗豐洽俗亦浮靡瀕湖農田塗墊爲
患江南安慶當長江委流東約全楚爲江表門戶
蘇松常三郡市浮於農文勝於質加之田賦不均
稅徭日困常征之外坐派日煩沿海兵戍本以備
倭而太倉崇熟瀕海之民擅鹽魚之利間作弗靖
出沒江洋肆行剽劫以故江防海備並爲要職徽

多山少田民逐末利風俗用偷池在山麓江潯多
流冗寇盜因以竄匿鎮江鑿山通漕海潮下上穀
土歲易利歸豪貴財盡貧冗矣

南京畿府十四州十七縣九十六戶一百九十
六萬二千口九百九十六萬七千賦五百九
十九萬五千

應天府八縣上元江寧句容溧陽溧水江浦六合

高淳

鳳陽府五州十三縣鳳陽臨淮懷遠定遠五河虹

壽州縣二霍丘蒙城泗州縣二盱眙天長宿州縣

一靈璧潁州縣二潁上太和亳州

蘇州府一州七縣吳長洲崑山常熟吳江嘉定太

倉州縣一崇明

松江府三縣華亭上海青浦

常州府五縣武進無錫江陰宜興靖江

鎮江府三縣丹徒丹陽金壇

揚州府三州七縣江都儀真太興高郵州二縣興

化寶應泰州縣一如皋通州縣一海門

淮安府二州九縣山陽鹽城清河安東桃源沐陽

海州縣一贛榆邳州縣二宿遷睢寧

廬州府

二州六縣

合肥廬江舒城無爲州

縣一巢

六安州

縣二

英山霍山

安慶府

六縣

懷寧桐城潛山太湖宿松望江

太平府

三縣

當塗蕪湖繁昌

寧國府

六縣

宣城寧國涇太平旌德南陵

池州府

六縣

貴池青陽銅陵石埭建德東流

徽州府

六縣

歙休寧婺源祁門黟績溪

廣德州

縣一

建平和州

縣一

含山滁州

縣二

全椒

來安徐州

縣四

蕭錫山豐沛

湖廣

湖廣跨有江漢武昌其都會也南涯湖溪北擁原
陸山高水濶効其靈秀承天王氣獨萃焉鄖襄上
走秦梁德黃下臨吳越荆顧巴蜀辰扞雲貴郴桂
通五嶺入八閩衡據南岳之勝永寶之間謹備苗
夷而已常德地廣民貧漢陽土狹利薄岳州當洞
庭之波仰資市利長沙雖卑濕民物稱殷盛顧穀
土泥塗甚於禹貢宗藩賦祿廣於周封傳符紛紜
流冗雜沓土酋橫強猶復征調洞蠻草竊徒示羈
縻皆足爲慮乃若民寡蓄儲官多徵集坐費財力
益肆訾窳非明示休息恐未得安靖也

湖廣布政司領府十五州十六縣一百五 戶五
十三萬一千 口四百三十三萬三千 賦二百
一十六萬七千

武昌府

一州九縣

江夏武昌嘉魚蒲圻咸寧崇陽

通城興國州

縣二

大冶通山

承天府

二州五縣

鍾祥京山潛江荊門州

縣一當

陽

沔陽州

縣一

景陵靖州

縣三

會同通道綏寧郴州

縣五

永興宜章興寧桂陽桂東

漢陽府

二縣

漢陽漢川

襄陽府

一州六縣

襄陽宜城南漳棗陽穀城光化

均州

鄖陽府

七縣

鄖房竹山上津竹溪鄖西保康

德安府

一州五縣

安陸雲夢應城孝感隨州縣一

應山

黃州府

一州七縣

黃岡蘄水羅田麻城黃陂蘄州

縣二

廣濟黃梅

荊州府

二州十二縣

江陵公安石首監利潛江松

滋枝江夷陵州

縣三

長陽宜都遠安歸州縣二興

山巴東

岳州府

一州七縣

巴陵臨湘華容平江澧州縣三

石門慈利安鄉

長沙府

一州十一縣

長沙善化湘潭湘陰寧鄉瀏

陽醴陵益陽湘鄉攸安化茶陵

寶慶府

一州四縣

邵陽城步新化武岡州縣一新

寧

衡州府

一州八縣

衡陽衡山來陽常寧安仁邵桂

陽州縣

臨武藍山

常德府

四縣

武陵桃源龍陽沅江

辰州府

一州六縣

沅陵辰溪盧溪溆浦沅州縣二

黔陽麻陽

永州府

一州六縣

零陵祁陽東安道州

縣三

寧遠

永明江華

浙江

浙江山海江湖所在限隔大海東蟠直轉淮陽重湖右滙波聯圻輔左逾信郡即走江西南入閩關遂連甌越而杭州其都會也杭山水秀麗人慧俗奢衣被可觀米薪是急嘉湖寔與江東相表裏兩稅困人貧者流徙富者并兼海鹽之塘利害通於蘇松歲築歲傾勞費已甚安吉以西山越巢窟錯

入廣德好訟喜聞累興大獄至勤誅討笠澤之間
鹽徒出沒剽掠村墟久之不治將有隱憂嚴衛金
華以徽饒爲郭郭生理爲僂征徭亦簡寧紹溫台
並海而南達於汀漳估客來往人獲其利寇至倉
卒亦能爲禍倭夷貪市中國矯云奉貢風帆所指
突至寧波華人交通倏去忽來詐譖叵測除戎之
戒定海爲棘處人視他郡爲悍依山盜礦糾結四
集激之易亂緩之難馴

浙江布政司領府十一州一縣七十五戶一百
二十四萬二千口四百五十二萬五千賦二

百五十一萬

杭州府

九縣

錢塘仁和海寧富陽餘杭臨安於潛

新城昌化

嘉興府

七縣

嘉興秀水嘉善海鹽崇德平湖桐鄉

湖州府

一州六縣

烏程歸安長興德清武康安吉

州縣

一孝豐

嚴州府

六縣

建德淳安桐廬遂安壽昌分水

金華府

八縣

金華蘭谿東陽義烏永康武義浦江

湯溪

衢州府

五縣

西安龍游常山江山開化

處州府 十縣 麗水青田縉雲松陽遂昌龍泉慶元
雲和宣平景寧

紹興府 八縣 山陰會稽諸暨餘姚上虞嵊新昌蕭
山

寧波府 五縣 鄞慈谿奉化定海象山

台州府 六縣 臨海黃巖天台仙居寧海太平

温州府 五縣 永嘉樂清平陽瑞安太順

江西

江西三面距山背沿江漢實爲吳楚閩越之交外
析險阻中包壤地安危輕重常視他藩即四方有

事雖欲保境距兵勢難獨完南昌泝江淮湖右荆
左浙帆檣所集江西一都會也九江獨據上流人
有市利南康臨彭蠡縮隘上瘠時有寇盜饒州稱
爲裕阜廣信傳道下邑殷盛撫州人悍多山寇而
衣食自足頗憂蕪并建昌僻在東南卽有藩封亦
稱安輯南安贛州則汀漳雄韶山嶠會焉林深谷
邃寇賊淵藪撫臣提兵牽制數省軍門之費不煩
度支苟得其人南服一壯鎮也袁州地逼長沙通
民客戶喜獄好爭譏察旣難綏馴不易臨江瑞州
素稱樂土吉安山雄水秀人才輩出地利亦饒甲

於諸郡大抵江西之民質儉勤苦時有憂思至爭曲直持官府即費財不吝其土窄逐末不務稼穡至有棄妻子經營四方老死不歸者

江西布政司領府十三州一縣七十三戶一百五十八萬三千口七百九十二萬五千賦二百五十二萬八千

南昌府一州七縣南昌新建豐城進賢奉新靖安武寧寧州

饒州府七縣鄱陽餘干樂平浮梁德興安仁萬年廣信府六縣上饒玉山弋陽貴溪鉛山永豐

商庠府

三縣

星子都昌建昌

九江府

五縣

德化德安瑞昌湖口彭澤

建昌府

四縣

南城新城南豐廣昌

撫州府

六縣

臨川崇仁金谿宜黃樂安東鄉

臨江府

四縣

清江新淦峽江新喻

吉安府

九縣

廬陵泰和吉水永豐安福龍泉萬安

永新未寧

瑞州府

三縣

高安上高新昌

袁州府

四縣

宜分分宜萍鄉萬載

贛州府

十縣

贛寧都信豐興國會昌安遠寧都瑞

金龍南石城

南安府

四縣

大庾南康上猶崇義

福建

福建海抱東南山聯西北重關內阻群溪交流雖封壤約束而山川秀美福州其都會也福州及建寧以江浙爲藩人稠土沃礦徒作孽波及建寧古田福寧利在魚鹽害亦隨之汀漳山廣人稀外寇內通與南贛聲勢聯絡海物三市時起其端人悍嗜利喜爭大抵漳州爲劣興泉文物之盛甲於八閩地利亦豐人懷異順延平邵武事簡人淳雖沙

尤之間或有小竊亦不能爲大患

福建布政司領府八州一縣五十三戶五十萬

九千口二百八萬二千賦八十八萬三千

福州府一州十二縣閩侯官懷安古田閩清長樂

連江羅源永福福清福寧州縣二福安寧德

泉州府七縣晉江南安惠安德化安溪同安永春

建寧府八縣建安甌寧建陽崇安浦城政和松溪

壽寧

延平府六縣南平將樂沙尤溪順昌永安

汀州府八縣長汀寧化上杭武平清流連城歸化

永定

興化府

二縣

莆田仙遊

邵武府

四縣

邵武光澤太寧建寧

漳州府

八縣

龍溪漳浦龍巖南靖長太漳平和

詔安

皇明地理述上卷終

子侯準校正

皇明地理述下卷

五
卷
六
十
三

海鹽鄭曉

河南

河南當天下之中開封其都會也北下衛漳達京
圻東沿汴泗轉江淮車馬之達交於四方雖險塞
不及關中而水陸道里爲便彰德控趙魏懷慶走
晉冀衛輝淇汲亦當傳孔河南嵩洛河華分陝要
區蔽山南扼河北稱形勝焉汝寧南陽下新黃入
襄鄖又與淮江相爲表裏顧分封日盛宗祿日繁
民亦勞止睢陳歸德犬牙畿省轄管不能專奸人

時竊發急之則潰逸四出彰德兵民雜集頗爲牽制河洛之間馮璉鑄獵習於劍弩難馴易動若山川環互民物殷茂汝寧爲優

河南布政司領府八州十二縣九十七戶五十八萬九千口五百一十萬六千賦二百四十一萬四千

開封府

四州三十縣

祥符陳留杞通許太康尉

氏洧川鄆陵扶溝中牟陽武原武封丘延津蘭陽

儀封陳州

縣四

商水西華項城沈丘許州

縣四臨

潁襄城鄆城長葛鈞州

縣二

新鄭密鄭州

縣四滎

陽榮澤河陰汜水

歸德府

一州八縣

商丘寧陵鹿邑夏邑永城虞城

睢州

縣二

考城柘城

彰德府

一州六縣

安陽湯陰臨漳林磁州

縣二武

安涉

衛輝府

六縣

汲胙城新鄉獲嘉淇輝

懷慶府

六縣

河內濟源修武武涉孟溫

河南府

一州十三縣

洛陽偃師鞏孟津宜陽登封

永寧新安汴池嵩陝州

縣三

靈寶閔鄉盧氏

南陽府

三州十五縣

南陽鎮平唐泌陽桐柏南召

鄧州

縣二

內鄉新野淅川裕州

縣二

舞陽葉汝州

縣四

魯山郊寶豐伊陽

汝寧府

二州十二縣

汝陽真陽上蔡新蔡西平遂

平信陽州

縣二

羅山碓山光州

縣四

光山固始息

商城

陝西

陝西山河四塞神臯隩區也平涼同原豐草平野
監牧蕃滋輦鳳之墟亦稱雄劇延慶沙葦蕭條而
人士精勁寧夏隔在河外別爲一區水穀之利亦
足自養甘涼以西至於嘉峪左右番達勢爲孤危
洮岷西寧錯入羌族要在撫輯而已西安會府生

理殷繁塞餉藩祿十居七八間閭疾苦殆與他
相當漢中西川襟喉潼關保障全陝並爲重地非
乃茶之禁漸弛藩牧之地漸廣僕苑之畜漸耗異
類之巢漸深斥堠之封漸蹙調弦改轍皆在所急
河套之議至殘督府爲世大戒矣

陝西布政司領府八州二十縣九十五戶三十
六萬二千口三百九十三萬四千賦一百九
十二萬九千

西安府

六州三十縣

長安咸寧咸陽盩厔興平臨

潼高陵鄠藍田涇陽三原商州縣四鎮安洛南山

陽商南同州

縣五

朝邑郃陽澄城白水韓城華州

縣三華陰渭南蒲城耀州

縣二

同官富平乾州

三醴泉武功永壽邠州

縣二

淳化三水

鳳翔府

一州七縣

鳳翔岐山寶雞扶風郿麟遊隴

州縣一汧陽

漢中府

二州十四縣

南鄭褒城城固洋西鄉鳳沔

寧羗州

縣略

陽金州

縣六

石泉洵陽平利漢陰

白河紫陽

平涼府

三州七縣

平涼崇信華亭鎮原涇州

縣一

靈臺靜寧州

縣二

莊浪隆德固原州

鞏昌府

三州十四縣

隴西安定會寧通渭漳寧遠

伏羌西河成秦州

縣三

秦安清水禮階州

縣一文

徽州

縣一兩當

臨洮府

二州三縣

狄道渭源蘭州

縣一

金河州

慶陽府

一州四縣

安化合水環寧州

縣一

真寧

延安府

三州十六縣

膚施安塞甘泉安定保安宜

川延川延長鄜州

縣三

洛川中部宜君綏德州

縣

二清澗米脂葭州

縣二

吳堡神木府谷

山東

山東在兩都之間外引江淮內馮遼海西走趙魏
北屆滄瀛而川陸孔道並會德州自海運既廢此

爲漕渠築塞䟽濬舟車牽挽勞役無休時兗州水
潦爲虐疾苦滋甚青多礦賊禁輯尤難公私交病
成山沙門上下礁磧險毒勢難輒議聞諸往蹟平
度東南有南北新河南起淮北安東北出海倉入
北海不數日抵直沽勝國濬治置閘通舟避開洋
之險嘉靖中副使王獻修濬有緒讒言中阻臨清
濟寧有喉吭之憂此亦未爲不知務也登萊僻在
膠東三面距海利在魚鹽蠶積農田亦是自贍且
無海寇牧撫得人不失爲樂土也

山東布政司領府六州十五縣八十五戶七十

七萬 口六百七十五萬九千 賦二百八十五

萬一千

濟南府

四州二十六縣 歷城章丘鄒平淄川長山

新城齊河齊東濟陽禹城臨邑長清肥城青城陵

太安州

縣二 新太萊蕪德州 縣二 德平原武定

州

縣四 陽信海豐樂陵商河濱州 縣三 利津霑化

蒲臺

兗州府

四州二十三縣 滋陽曲阜寧陽鄒泗水滕

嶧金鄉魚臺單城武曹州

縣二 曹定陶濟寧州 縣

三

嘉祥鉅野鄆城東平州 縣五 汶上東阿平陰陽

穀壽張沂州縣二制城費

東昌府三州十五縣 聊城堂邑博平茌平清平莘

冠臨清州縣二丘館陶高唐州縣三恩夏津武城

濮州縣三范觀城朝城

青州府一州十三縣 益都臨淄博興高苑樂安壽

光昌樂臨朐安丘諸城蒙陰昌樂縣二沂水日照

登州府一州七縣 蓬萊黃福山棲霞招遠萊陽寧

海州縣一文登

萊州府二州五縣 掖平度州縣二維昌邑膠州縣

二高密即墨

山西

山西表裏河山人稠地狹俗尚勤儉果毅任氣北倚重邊極稱險塞自大同反側虜數入內郡鴈門南北爲虜通衢今日所備不止河曲而已山後曠徒河中屯卒上黨逋民亦非細故也嗟乎山西四郡大同不足恃則太原危矣虜已獲利於潞安其志時時在平陽每議禦虜輒云居庸紫荆井陘置鴈門且不論况大同乎夫晉冀勞瘁卽無虜患外轉塞諸內供藩祿猶不能支仰給鹽利當是時而不早爲之所內憂方殷爾

山西布政司領府四州二十縣七十五戶五十八萬九千口五百八萬四千賦二百二十七萬四千

太原府

六州二十二縣

陽曲太原榆次太谷祁徐

溝清源交城文水壽陽臨孟靜樂河曲平定州縣

一樂平忻州縣

一定襄代州縣

三繁峙五臺崞

嵐州

縣二

嵐興石州縣

一

寧鄉保德州

平陽府

六州二十九縣

臨汾襄陵洪洞浮山趙城

太平岳陽曲沃翼城汾西蒲蒲州縣

五

臨晉榮河

猗氏萬泉河津解州縣

五

安邑夏聞喜平陸芮城

絳州

縣三

稷山絳垣曲霍州

縣一

靈石吉州

縣一

鄉寧隰州

縣三

太寧石樓永和

大同府

四州七縣

大同懷仁應州

縣一

山陰朔州

縣一

馬邑蔚州

縣三

廣靈廣昌靈丘渾源州

潞安府

八縣

長治長子屯留襄垣潞城壺關平順

黎城

汾州

三縣

孝義平遙介休

遼州

二縣

榆社和順

沁州

二縣

沁源武鄉

澤州

四縣

高平陽城陵

川沁水

四川

四川長川沃野殺粟山林竹木蔬果織染之饒自
足周瞻西屈蕃部南阻蠻落雲棧之北出褒斜
瞿峽之流東下荆楚坤維井絡十絕諸夏實爲陸
海而成都其會府也山川綢繆防守爲易盜奸割
據安輯爲難以故松帶威茂安綿叙瀘重夔皆有
兵憲蓋唇齒之勢利在東南指臂之形險在西北
或謂吐蕃寇自黎文南詔賊由沅黎蕃詔糾合必
由灌口蒐兵繕障玩弛久矣劇盜起於重夔諸戎
伺於臆臘烏撒悍於隣夷龍州便於餉道皆非細
故也建昌西徼輿壤民夷頗輯都江水役耶灌爲

勞亦蒙其利諸郡塘堰官課其成而已

四川布政司領府八州二十縣一百四軍民府三
戶一百十六萬四千 口二百一十萬四千
賦一百二十萬六千

成都府

五州二十七縣

成都華陽雙流溫江新繁

金堂仁壽新都井研郫簡資灌彭安內江崇寧石
泉資陽崇慶州

縣一

新津漢州

縣三

什祈綿竹德

陽綿州

縣二

彰明羅江茂州

縣一

汶川威州

縣一

保

寧府

一州九縣

閬中蒼溪南部廣元巴昭化通

江劍州

縣二

梓潼江油

順慶府

二州八縣

南充西充遂州

縣二

營山儀隴

廣安州

縣四

渠大竹岳池隣水

叙州府

九縣

宜賓慶符富順南溪長寧高筠連珙

戎

重慶府

三州十七縣

巴江津長壽大足永川榮昌

綦江南川黔江合州

縣四

銅梁定遠安居璧山忠

州

縣二

酆都墊江涪州

縣二

武隆彭水

夔州府

一州十一縣

巫山大昌雲陽大寧萬

開達州

縣四

新寧

始東鄉

馬湖府

鎮雄府

潼川州 縣七 射洪 鹽亭 中江 遂寧 蓬溪 安岳 樂至

眉州 縣三 彭山 丹棱 青神 嘉定州 縣八 峨眉

洪雅 夾江 犍爲 榮 瀘州 縣三 納溪 合江 江安

邛州 縣三 威遠 大邑 蒲江 雅州 縣二 名山 榮經

東川 烏撒 烏蒙 芒部 軍民府

廣東

廣東在嶺海間古稱樂土北負雄韶以臨吳楚東

肩潮惠以制甌閩內關高廉以控交桂外藩雷瓊

以扼黎夷廣州山海包絡嶺南一都會也戊洋守
嶂屯哨勞止韶州嶺險谷平交廣咽喉南雄萬山
三水控帶群蠻而督府兵餉九郡傳郵盡仰其權
利惠州提封廣袤悍客礪徒勢難收戢潮州沃野
廣原昔所患者峯戶斗老今則內寇外夷爲害棘
矣肇慶據上游富鎮西孔道高州海灣衝衢開地
除兵耕守並集可也廉州魯山曲水海北要區雷
州炎微多平田腴壤通夫藏命責在人牧瓊州有
司並海五指腹心反爲黎穴若乃濱海島夷之國
以十數雖時時出沒志在貿易非盜邊也顧人遂

山海礦冶番舶之利不務農田或尚剽掠行劫海上
上桴鼓之驚彌滿山谷凡以生齒日繁徵求日困
師旅數興漁獵還至通山之禁久弛餉軍之饋益
煩也况夾珍珠窟本民用所與而公私交征反爲
民病

廣東布政司領府十州七縣六十九戶四十八
萬三千口一百九十七萬八千賦一百一萬
七千

廣州府

一州十五縣

南海番禺花縣順德東莞從

化龍門新寧增城香山新會三水清遠連州

縣二

陽山連山

韶州府

六縣

曲江樂昌仁化乳源翁源英德

南雄府

二縣

保昌始興

惠州府

八縣

歸善博羅海豐河源龍川和平長樂

興寧

潮州府

七縣

海陽潮陽揭陽程鄉饒平大埔惠來

肇慶府

一州十縣

高要四會新興陽春陽江高明

恩平德慶州

縣三

瀧水封川開建

高州府

一州五縣

茂名電白信宜化州縣二吳川

石城

廉州府

一州三縣

合浦石康欽州

縣一

靈山

雷州府

三縣

海康遂溪徐聞

瓊州府

三州十縣

瓊山澄邁定安文昌會同樂惠

臨高儋州

縣一

昌化萬州

縣一

陵水崖州

縣一

感恩

廣西

廣西東南接廣東均在嶺南而風壤氣習異於廣東山高而秀水清而腴地利物產優贍自足則桂林其都會也若府江左江右江號爲三江貫絡諸郡綿流甚遠苗夷附據肆爲寇竊不但古田荔浦

苦其蠶食而已潯州大藤峽跨黔鬱江上蠻巢穴
焉雖有屯戍未見摧斬擲慶號爲盜區行居苦其
荼毒設兵制將控馭督警之可無大患思恩田寧
强悍久矣殘破之餘萌孽復作削土分官不爲無
策南寧太平控遏兩江坐躡交趾寔爲桂管保障
梧州開府稍有兵卒地促人貧全仰東道然諸蠻
咽吭列郡襟束形勢便矣

廣西布政司領府十一州四十六縣五十四軍民
府一 戶一十八萬六千 口一百五萬四千
賦四十三萬一千

桂林府

一州九縣

臨桂興安靈川陽朔永福義寧

古田理定全州

縣一

灌陽

柳州府

二州十縣

馬平洛容羅城柳城懷遠融來

賓象州

縣一

武宣賓州

縣二

遷江上林

慶遠府

二州六縣

宜山天河思恩河池忻城南丹

州

縣一

荔波東蘭州

平樂府

一州六縣

平樂恭城富川賀荔浦修仁永

安州

梧州府

一州九縣

蒼梧藤峽岑溪懷集鬱林州

四博白北流陸川興業

潯州府

一州三縣

桂平平南貴武靖州

南寧府

一州四縣

宣化武緣隆安橫州

縣一

永淳

太平府

十五州四縣

太平思城茗盈安平思同養

利萬承鎮達全茗結安龍英結倫都結上下凍左

州崇善羅陽陀陵永康縣

田州府

四州一縣

上隆思城歸德果化上林縣

思明府

六州

思明上思上石西下石西憑祥忠州

鎮安府

思恩軍民府

向武州

縣一

富勞

江

州

縣一

羅白

都康州

思陵州

奉議州

泗

城州

利州

龍州

雲南

雲南疊山崇峻瀉澗縈紆金碧米鹽之產亦稱精
贍而雲南其一都會也臨安大理永昌鶴慶楚雄
並稱沃壤設險守固輦內捍外則元江臨安路走
南交金齒騰衝強隣諸甸永寧麗江聯絡於瀾滄
烏蠻蒙撒控彈於曲靖若尋甸上下風土絕異而
兵衛漸疎矣大抵滇南取道貴陽稍有警動坐令
梗絕城郭人民夷居十八緩則蜂屯蟻聚號令不
行急則不突鴟張勦誅未易苟緩撫得人相與休
息本無禍變顧萬里投宦類無固志時聞蠢動咎

有由矣

雲南布政司領府十四州三十八縣十五軍民府
八 戶一十三萬二千 口一百四十三萬三千
賦一十四萬

雲南府

四州十縣

昆明富民宜良高明州

縣一

楊

林晉寧州

縣二

歸化呈貢安寧州

縣二

羅次祿豐

昆陽州

縣二

泊易門

大理府

四州三縣

太和趙州

縣一

雲南鄧川州

縣

浪穹賓川州雲龍州

臨安府

五州四縣

建水石屏阿迷寧遠寧州通海

河西岷峨蒙自縣

楚雄府

二州五縣

楚雄定邊廣通定遠砮嘉縣南

安鎮南州

澂江府

二州三縣

河陽江川陽宗縣新興路南州

廣南府

一州一富州

廣西府

三州師宗彌勒維摩

蒙化府

景東府

鎮沅府

永寧府

順寧府

曲靖軍民府

四州二縣

南寧亦佐縣霑益陸涼馬

龍羅雄州

姚安軍民府

一州一縣

姚州縣一大姚

鶴慶軍民府

二州

劍川順州

武定軍民府

二州三縣

和曲州縣

南甸元謀祿

勸州

縣一石舊

尋甸軍民府

麗江軍民府

四州

通安寶山巨津蘭州

元江軍民府

永昌軍民府

孟定府

孟良府

北勝州 威遠州 灣甸州 鎮康州 大候州

騰越州

貴州

貴州本隸川湖雲南建省設官始於永樂十一年
緣田苗倡亂旅拒朝命誅討既行始置郡縣官雜
土流而思州思南三十九長官司者地本蠻夷山
多箐穴水不涵淳土無貨殖貧瘠已甚官戎歲給

全仰他省加以兵荒饑乏弗繼况省城會區咫尺夷土西南諸郡皆於嶺賊思南石阡銅仁界在川湖鎮寧酉播夷峒間竄攘四出師旅數興境內諸酋亦皆佳兵好殺非因俗隨時先幾撫定未易爲力也

貴州布政司領府七州五縣六戶四萬五千口二十三萬一千賦四萬七千

思南府二縣婺川印江

鎮遠府二縣鎮遠施秉

石阡府

黎平府

一縣

永從

都勻軍民府

一州一縣

獨山清平

銅仁府

程番府

思州府

普安州

永寧州

鎮寧州

安順州

遼東

遼東寔有遼東西地東北西皆夷地南阻海惟山海關內通圻甸蓋渤碣之外一都會也西南起山海歷醫無閭長白諸山包絡北東南走海上海薄

蓋金以西接盧龍可渡登萊泛吳淞地饒魚鹽穀
馬國初馬雲葉旺經略置衛所不復如古設郡縣
獨遼陽開原有安樂自在二州處降夷其保塞奚
夷東北則建州平憐女直諸衛西北則兀良哈朵
顏福餘太寧三衛分地世官互市通貢恩威羈縻
爲我藩蔽而奸聞出入亦不能盡禁東北諸夷屋
居耕食不專射獵警備差緩西北俗仍北虜時時
抄掠故遼東備邊與諸鎮異要在隨勢安輯先事
防守俾信義相懷足制其心斯爲上計倖斬論功
第二義也寧遠東西兩屯頗安給錦義地瘠寡生

理廣寧無屯營之利率仰給轉粟與遼陽隔河河
口數百里遼陽舊城在焉草木豐茂更饒魚鮮國
家委與諸夷彼進據腹心限隔東西守望勞費道
里迂遠成化以來屢議收復而屢作屢輟竟不可
行遼陽以此益聚兵兵益益窘開原三城三面受
敵六堡雖復二虜輒巢清陽鎮夷間聚而謀我我
失漁樵之利又略我男女易畜產二江外否即繫
之耕織日夜無休時西馬市廢蒲河懿路殘破不
可言撫順通夷貢市內外皆山多伏虜我難於斥
望瀋陽雖有關虜馳牧外險內夷不能援鳳凰壁

戟東垂鴉鵲鎖鑰西境並海四州特得勝之捷無
海寇弘治中嘗一至未及岸而去然遼水南注海
溢不能洩患苦沮洳矣

薊州

國初卽古會州大寧地設北平行都司興營諸屯
循封建寧藩與遼東宣府聯絡東西爲外邊已而
魏國公經略自古北口至山海關增修關隘爲內
邊以故薊州西接居庸北折而東南抵海上盡漁
陽盧龍皆其管內艤泛登萊陸走趙魏肩肘奚連
襟帶原澤馮翊京師號稱雄鎮又地壤深厚樹畜

漁鹽黍稷之利甲於圻內 文皇靖難兀良哈內

附廼徙北平行都司於保定爲大寧都司而散布
興營諸衛京府之境大寧地盡畀兀良哈通貢互
市爲我藩籬朶顏大寧福餘三衛是也自是紅螺
白雲之北棄與戎寇遼東宣府聲援隔絕諸夷裂
我險阻闕我門庭要我官賞殘我吏民喜峰三屯
密雲白羊僅僅收縮譬之左臂癰腫則上谷孤子
後背偃僂則盧龍單薄哽其喉吭則遼海坐隔扼
其膏腹則陵寢警逼失計其矣正統以前夷心畏
服方隅寧謐土木之變三衛爲也先鄉道始命都

御史鄒來學經略已而總兵叅將內臣增設日多
三衛亦矯詐反覆然尚未敢顯言爲寇也弘治中
守臣楊友張瓊燒荒掩殺無辜邊釁遂起正德以
來部落既蕃朵顏獨盛陽順陰逆累肆侵噬花當
脅求添貢把兒孫深入虜掠動稱結親迨比惘疑
中國而叅將陳乾魏祥先後陷沒以故三衛日驕
嘉靖中革蘭台輒要官賞請益貢禍機所伏不待
智者而知也天壽山七陵在焉余嘗從祠官至長
陵北望烽堞不數里已已之變祠官不能至昌平
昌平陵衛吏卒如僑寓增兵繕障於斯爲急古北

口潮河川俱要害而潮河川本殘元避暑故道尤
爲虜衝作橋則浮沙難立爲塹則漲水易淤都御
史洪鍾雖嘗設有關城勢孤難守議者欲塞川流
建石墩數十令其錯綜宛轉下通流水上傳烽火
亦一策也喜峰口三衛貢道稍淙峻燕河營太平
寨馬蘭峪密雲四營聲勢相援虜卽至中兩營當
其衝燕河密雲相倚角遵化三屯建昌固其內防
虜當大挫永平梁城間無虜患亦無海寇若乃山
麓林莽樊樹阻固以供薪炭伐條枚日就蹙薄嘉
靖中胡守中又出塞盡斬遼金以來松林百萬自

撤藩蔽矣

宣府

宣府漢上谷也國初開平王克元上都設衛開平置八驛東四驛曰涼亭泥河賽峰黃崖接大寧古北山西四驛曰桓州威虜明安隈寧接獨石成祖四出塞皆道開平興和萬全間嘗曰威此殘虜惟守開平興和大寧遼東甘肅寧夏邊圉永無虞矣已乃棄大寧與虜興和亦廢而開平失援宣德中遂徙衛獨石威國蓋三百里正統末獨石八城殘破宣府遂爲重鎮宣府山川糾紛地險而狹分

屯建將倍於他鎮勢完易守然去京師近北門鎖
鑰慎哉慎哉鎮分五路獨石八城爲北路地雖懸
遠然阻長安嶺虜難逕下中路葛峪大白陽青邊
諸堡西路柴溝洗馬林萬全諸城南路東西順聖
川皆稱虜衝東路永寧四海冶龍門朵顏所伺而
四海冶上通開平大路下連橫嶺兒亦要地也宣
府素稱戰兵自叅將都勲出境燒荒遇虜二十騎
而潰關山王經前後陷沒反習聞大同之變此其
漸已久撫臣守將交任其責可也况芻粟日窘每
有警報輒議空運弘治中宣府粟草積至六七年

少亦不下三四年今數月且不給草虜無他計僅
爲草竊即狡不過也先火篩革萬一屢入內地知
我虛實不徒寇掠更迭困我宣府至京僅三百里
柰何不早爲之所也國初至宣德迄運皆董以武
帥役以營卒景泰以後取諸民力

大同

大同川原平衍故多虜患虜南犯應朔不西入平
虜威遠則中經右衛水口諸城堡即掠順聖左右
天城陽和當其衝矣平虜西連老營堡近偏頭關
焦家坪娘娘灘羊園子蕎麥川狗澗灰泉皆套虜

渡口虜涉河瞬息可至故大同稱難守况大邊既
失二邊之內棄爲虜庭墩軍騎情警報不明至與
虜通反爲鄉導夫復五堡增高山聚落之戍爲急
五堡復則屏外固內而沃土茂田盡爲我利二邊
宣寧諸縣棄地漸圖恢闢高山聚落實鎮城兩腋
東西虜衝募軍分駐則按伏之費省而犄角之勢
成矣張文錦既死李瑾又死此非細創征之不克
撫之不輯用夏從夷爲禍尤棘正綱紀布恩信化
頑囂潛消默奪不震不竦非英毅忠誠之士不可
歷朝賜勅通書納貢市馬弘治中許進巡撫時三

貢皆不可謂非策昔魏尚李廣皆守雲中尚給士卒饗軍吏無所不至廣遠斥堠就水草頗止人人自便是以能用其衆以制匈奴撫臣守將不能不勞拊解之恩矣

榆林

榆林舊治綏德棄米脂魚河地幾三百里成化九年鄒御史余子俊議徙鎮榆林堡內地稍安又築邊牆自黃甫州西至定邊營亘千二百餘里連墩勾堡橫截套口內復塹山湮谷是曰夾道得地利焉虜遂不敢輒渡河我得耕牧套內益以樵採圉

獵之利稱雄鎮焉當是時寧夏巡撫徐廷璋亦修
邊虜不復入套者二十餘年久之玩弛牆薄溝淺
虜遂以套爲巢穴成化弘治正德屢有搜套之議
或謂當尋漢唐受降舊城又謂當復守東勝東路
可無虜患然用人理財宜在所先審時度勢未易
言也我兵日歛虜巢日深諸利皆失鎮城四望白
葦黃沙地無產穀商無通貨一切芻糧仰給腹裏
弘治正德中布政使文貴侍郎馮清改本色爲折
色重以災蠲民逋動計百萬以故軍用大窘有米
珠芻桂之誣卽虜壓境據魚河我餉道遂絕此時

予金如山亦不可食倪岳許論嘗欲通舟河渭轉
漕邊鎮此經史所載非鑿空之說也榆林地險將
士懷忠畏法死無怨言又果悍敢勇戰不貫胃虜
呼爲駱駝城人馬見則畏之四方征調所向有功
更多將材有節氣視他鎮爲最

寧夏

寧夏賀蘭山環其西北黃河繞其東南險固易守
沃土長流生理饒洽成化前虜患多在河西虜旣
入套河東三百里花馬池清水營左右反爲敵衝
自巡撫徐廷璋築牆總制楊一清王瓊屢增築更

益敵臺足禦小寇顧其寡勢分虜大舉輒不能過
嘗聞弘治前虜不戀套或連歲不至即至在水堅
時凍解不能復出入以故每歲冰時伺虜入則戒
嚴出即否乃今渾脫飛渡數萬立濟據爲巢穴誘
我遁逃盡知內地虛實咸寧固靖不得休息許論
欲擇花馬池便利之地建城堡設叅遊移總制居
之而分屯重兵清水與武諸營令二百里內旌幟
相望刀斗相聞鐵柱白水諸堡水草大路盡築墩
堡可謂扼吭之計東援榆林西援寧夏亦常山蛇
勢也論又曰往時虜出入河套犯甘涼皆由賀蘭

山後自總兵杭雄敗後遂出山前趙瑛周尙文禦
之皆敗由此不已不知寧夏所終也土瓊廢鎮遠
關而城平虜棄地蓋八十里以故虜患愈近而民
利益窘中衛偏在西隅雖地狹易守鎮山後之虜
窺靖虜者數敗有之尋討故事云自賀蘭山直西
至鎮番內皆漢朔方地今棄與虜城而守之莊涼
靖固皆安枕矣

甘肅

甘肅卽漢河西四郡斷匈奴右臂者也蘭州爲金
城渡河西六百餘里至涼州爲武威又西四百餘

里至甘州爲張掖又西四百餘里至肅州爲酒泉
又西出嘉峪關爲沙瓜赤斤苦峪以至哈密諸城
皆燉煌地也洪武五年宋國公下河西遂棄燉煌
關嘉峪自莊浪而南三百餘里爲西寧古湟中也
自涼州而北二百餘里爲鎮番古姑臧也夫以一
線之路孤懸幾二千里西控西域南隔羌戎北遮
胡虜經制長策自古爲難且哈密甘肅藩籬諸番
領袖成化以來陷於土魯番恢復之策屢勤朝議
胡世寧論之悉矣亦不刺阿爾禿斯二寇盤據西
海吞并屬番爲西南患頃許亦不刺內附尋以敗

弱故棄不納似爲失計正德中土魯番兩犯甘肅
彭澤陳九疇皆以忠勇獲罪貽笑奸夷漸不可長
若收海上之虜置哈密近境結以恩信西制土番
北制瓦剌此千載一時也倘有成績卽令職西域
之貢何所不可議者祇云我心叵測而不知窮虜
易用乃今自據西海散處河岷阻扼成祖以夷
治夷建寺立僧有深思焉西域稱王數十貢文數
百紙繹騷無厭苟不徵勅給符限年勒名坐困中
土矣嗟乎河西危則洮岷臨鞏漸被其禍關西隴
右憂方棘也

固原

固原本開城縣套虜未熾專備靖虜一面平固安會間稍得休息弘治十四年火篩入寇內郡遂爲虜衝始改立州治設固靖甘蘭四衛統以總制叅遊與寧夏爲唇齒塞上人謂花馬池諸城爲大門若併力堅守花馬池固原可無虞而響石溝至靖虜諸堡修築亦在所緩蓋力分則勢弱寇已入門主人束手故總制不駐花馬池固原未可息肩也每黃河水合靖虜南北一望千里坦如平地若賀蘭山後之虜履冰南下蘭靖安會卽爲禍階調兵

防守候在冰凍而西鳳臨鞏之卒多未經戰豈能捍禦不添沿河之堡不屯常戍之兵固原亦未可息肩也

三邊四鎮

陝西三邊列鎮曰延綏寧夏甘肅固原延綏東黃甫川至定邊營千二百里西接寧夏花馬池出花馬池至橫城二百二十里東至黃甫川千五百二十里皆在河內邊牆外悉爲河套套長幾二千里橫自牆距河遠八九百里近二三百里惟黃甫川八九里爾川南焦家坪兩岸夾山水先合後泮娘

娘難羊圈子渡口冬水涸虜每二三年或四五年
大衆自坪或灘或渡口入套每遣零騎伏林逐草
往來不絕是以套中無歲無虜由橫城渡河而西
爲寧夏鎮城鎮城至鎮遠關二百四十里中衛四
百里在河外賀蘭山後虜時住牧警報屢至由鎮
城渡河東入靈州至韋州三百四十里韋州南接
固原預望城至固原鎮城三百里由固原出靖虜
之蘭州七百三十里河州九百二十里皆在河內
套虜秋由花馬池潰牆入山後虜冬由靖虜衛踏
冰入則臨鞏涼慶諸郡縣皆繹騷矣由蘭州渡河

西出莊浪至甘州鎮城一千二百里至嘉峪關六
百里皆在河外西海有虜寇土魯番天方西域有
西夷西寧莊浪革哩章等族有番落酒泉浩亶
之間環而居者皆犬羊也延綏鎮一千二百里寧
夏鎮一千二百二十里固原鎮一千三百里甘肅
鎮一千八百里通計五千六百餘里

六關

直隸三關
山西三關

居庸
雁門

紫荆
寧武

倒馬
偏頭

居庸隸薊州紫荆倒馬隸保定雁門偏頭寧武隸
山西巡撫居庸諸關本太行山與雁門諸山相斷
數百里雁門巨關北太行絕東西表裏縱橫左右

紫帶關狄藩華險由天造山西自井陘西北數百
里崇岡複嶂執爲居庸迤邐東折玉帶神嶺諸山
若拱若抱八陵在焉外拒四海治潮河川古北口
去虜不遠故居庸爲京師北門居庸左轉蓋漁陽
盧龍當山海之際古渝關也控約遼東西右循太
行西南以往包絡數十城皆平原沃野北倚上谷
雲中皆宿重兵居庸東去舊有松林數百里中有
間道騎行可一人卽札八兒導元兵趨南口者紫
荊倒馬二關隘口旣多守備不能專內連真定保
定大名古燕趙之郊平夷曠衍無高山大陵爲之

限隔騎兵便馳逐南並井陘出山西路險隘士馬不能成列東更順德廣平遂入齊魯下江淮鴈門三關山東起代郡外斷雲中內畧太原北境西盡雍河之濱鴈門稱絕險虜入大同川二邊不能守則鴈門當其衝寧武諸營保不甚險隘虜往往由蕎麥川野猪口入婦女畜產驅逐已出塞而遊兵百里赴援難矣偏頭地平可馳馬故多虜患西北冬備河曲東北時時備大同川往時諸險塞設關羅夫環戈戍卒荷戟守吏辨符行者脅肩曳踵左右森立正德以後商者入賂逋者奸開廢塞缺并

左右環立不問誰何况覈符券嘉靖以來虜細出入至居京師習兵器市禁物群來旅往如獲康衢防哉防哉

論曰虜莫強於遼金元莫弱於我朝國初胡裔半留中國遞還沙漠者無幾永樂四出塞虜益遠徙死者降者又半以故我塞上戍兵不及四十萬虜今東得開平興和西據朔方東勝皆水草善地自永樂迄今未嘗一遭敗衄生聚既蕃侵噬漸近也先火篩之後益輕中國恃其長技往往深入風雨飄忽動輒數萬我軍禦之不過依險結營以防

衝突僅不亂行即爲全勝虜志日駭我氣日奪其
零賊出沒雖稍有俘斬亦已甚難蓋衆寡之勢殊
強弱之形異也幸其狼婪鼠竊無有他志計日數
程不能持久每一大舉驪肉掠馬頗有勞費若得
矢不鏃則懊悔無已是以邊境得苟免焉近年吉
囊俺答屢入內郡飽掠而歸聚兵十萬莫敢發一
矢而輒張捷冒功上下相蔽甚至殺歸正人爲首
功冤酷已極今虜中控弦之士餘二十萬益以中
國逋逃竊知內地虛實一旦改慮外變內憂禍不
細也

附奏官考

土官初隸吏部驗封洪武三十年凡掌土兵者改隸兵部其襲替閩武選大抵與驗封不異洪武中土官無子弟其壻與妻皆得襲永樂中襲替人文出十年者亦聽然皆萬里赴闕或獻馬方物請命最謹天順八年三月上 兩宮徽號詔許土官繼呈勘奏卽與冠裳於是令使未將威福自恣雖托羈縻之名竟開驕悍之漸成化十五年又有納穀備賑之令則經制日卑規取愈陋 孝宗末年發憤釐革至正德旋復廢嘉靖九年始曲爲條約

稍復 祖宗之舊今攷府州縣正貳屬巡檢驛
傳凡三百六十隸驗封司慰宣撫招討安撫長官
凡一百三十二隸武選隸驗封者皆領於布政司
武選所隸或領於都指揮使司文武相維機權攸
寓細大相關掌股易運數年來鎮撫巡部諸臣建
白日煩紛更已甚矣雲南本徼外地 國初元孽
竊據戊申開基高阻聲教王禕秉義捐軀傳友德
沐氏父子兄弟威震惠戰梅思祖張統繼膺藩屏
平徭均賦疆土稍開顧其人慄悍不得已因俗爲
政官其酋領稍示安輯元江永寧鎮沅孟良景東

最强犍鎮南蒙化順寧霽益大小然皆向背靡常
調劑爲難諸甸約攝騰衝諸羅窺竊尋靖蓋自麓
川虛耗中土孟養曲徇奸夷正統迄今益復反復
况投窶非人刑法好貨湖南滇北將有梗隔之憂
至求馬湖建昌川陸遠道計亦晚矣貴州本西南
夷羅施鬼國國初霽翠朱欽歸附仍其世官山
峭地瘠夷情猾詐分隸川湖雲南永樂癸巳始立
三司當時頗成易節以文武大吏威懷有方時稱
馴順然壤地聯絡衝胸掣肘自泗城北窺永寧芒
部南擾畢節西播外突普凱內潰交讒搆亂喜禍

佳兵每一梗阻滇南中斷乃知分割三隸疆域相牽不可謂非策也湖廣土官皆據湖南占平黔中地中錯辰常外聯川貴溪峒險深難擾易亂彭氏富强雄脅諸司自宋迄今構結滋廣賄橫益堅國家稍有征誅輒議調發所過殘破慘於劇盜官司莫敢誰何嘉靖中王守仁討岑氏時湖臬僉事汪泰統馭嚴飭所過戢歛以故順靖之禍不獨湘楚求寶之憂豈直苗夷也廣西當嶺南右偏土瘠民獷視東道特異諸夷窟穴盤繞其間左黔右鬱荔浦東西殘破不可言大藤峽深險尤甚成化中誅

鏑極慘近復跨江倚山出沒剽奪田寧梧藤諸彝
卒竟不能扼制桂林之北六峒爲孽則北連武岡
柳慶之西八寨尚存則東通懷遠府江上下半爲
夷巢寇竊無虛日右江岑氏猛賊雖誅餘孽尚在
王盧再叛思田更强姚鎮勦則黥兵守仁撫則納
侮恐數年之間復煩經畧爾四川山包劒棧水鎖
瞿峽襟帶擁束是爲天險惟烏蠻阻其東南蔓繞
西抵番族欲其馴順是在調擾龍州爲松番咽喉
每遶我餉道烏蒙烏撒芒部諸府雖仰我鼻息而
內黨日堅數啓隙亂唇齒之勢彼得挾而擾我叙

瀛之間宜有機權携其醜類若乃礪門遠引諸番
播州旁通四省所謂與蜀盛衰者也

雲南一百五十一武定麗江景東沅江順寧永寧
鎮沅蒙化孟良孟定知府十人寶山南甸蘭州灣
甸寧州富州北勝大侯雲龍浪蕩鄧州安寧威遠
霑益羅雄鎮康陸涼知州十七人臨西嶲峨雲南
亦佐羅次元謀知縣六人廣南姚安府同知二人
鶴慶府知事一人千厓宣撫經歷一人巨津師宗
浪蕩通安北勝鎮南姚州順州同知八人北勝南
安鎮南州判官三人雲南楚雄亦佐易門定邊永

平縣丞六人昆明雲南廣通嶠峨定遠楚雄主簿
六人威遠州吏目一人五井順盞鹽井副使二人
速爲古刺騰衝樣備觀音山沙橋德勝關泔西在
城打牛坪晉寧易龍驛丞十二人金齒水眼鄧川
州寧番順寧尋甸禾摩村東山口浪滄江師井打
牛坪盞井金沙江十二關備溪江青索鼻納更山
蒲陀崧鎮南箭桿場關索嶺鐵爐清水江黑鹽井
西金沙江赤水鵬定西嶺龍街關蔓神寨餘白水
關南平關黑鹽井阿雄村戛賴元江禾摩村安南
坡祿祿煉象關楚雄縣松詔鋪觀音山鳳羽鄉東

金沙江回登關湯池英武關巡檢四十五人

改流二十五知府三人鶴慶尋甸廣西知州四人
馬龍彌勒維摩阿迷知縣二人路南蒙自府同知
一人楚雄府照磨一人麗江典史一人浪穹鹽井
副使一人彌沙驛丞五人永平孟哈潞江羅卜思
庄雲南巡檢十二人宣化關甸頭樣備神摩洞下
江南安州普昌石門關彌沙井雲龍甸煉象關楚
場

貴州一十五鎮遠府同知一人鎮遠府通判一人
鎮遠府推官一人安順州同知一人普安州判官

一人婺川縣丞一人黃沙渡瓮城河盤江谷龍的
澄河單韓偏刀水巡檢六人司獄一人 改流二
知縣一人婺川巡檢一人都儒五堡三坑

廣西一百九十七思恩田州思明鎮安知府四人
思明結安下石西利州都結奉議思城上思龍英
鎮遠江州結倫思同果化都康若益萬承全茗上
下凍泗城太平向武南丹歸順安平萬承忠州思
陵龍州歸德那地東蘭上隆知州三十三人左州
同知一人羅白憑祥上林陀陵羅陽忻城知縣六
人上林縣丞一人懷遠主簿一人桂平貴溪典史

二人永平寨波羅里大洞三寨鎮安平鄉理源鎮
高井寨尖山鎮周冲都樂壩古江口羅日鎮慈樂
寨東鄉巡檢十三人木盤浦鎮鍾寨白石寨單觀
旺思隆鄉連城鄉武羅鄉武林鄉辛安寨東禪鎮
那龍寨太約鎮寨下市界牌鎮安城鎮歸仁鎮古
眉寨群峰寨白面寨遷隆寨西舍寨麗壁市桑江
口古背鎮三畔鎮三門灘鎮大寧寨龍門寨靖寧
鄉宜良鎮都博鎮新興鎮歸化鎮古清鎮廖洞鎮
江口鎮章略鎮安湘鎮樂善鎮莫離鎮武陽鎮中
峒鎮通道鎮清流鎮思管鎮鰲頸隘保江鎮西峒

鎮潯江鎮萬石鎮安永鎮縣廓鎮清水鎮李廣鎮
思龍鎮東江鎮德勝鎮大曹鎮思農鎮北蘭鎮安
化鎮普義鎮吉定鎮歸思鎮上堡鎮金城鎮方村
蒙村窮果兩江口峯門寨南源寨常安鎮龍平寨
西嶺寨鎮峽寨白霞寨邊逢寨信都鄉沙田寨樊
冢寨白花洞口渠樂寨金城寨八尺寨那樓寨橫
山寨南鄉南里鄉大宣鄉馱演寨鵝頸鎮都名鎮
丹陽鎮周冲大宣鄉靖寧鄉大黃江口北山懷遠
鎮湘山渡副巡檢一百二人 嘉靖七年初設武
靖知州一人田州吏目一人臨時岩馬甲大田子

甲楊院思卽累彩怕河武龍拱甲床甲勢鳳下隆
縣甲篆甲砦奈怕牙思幼候周思恩白興龍定羅
定安古零舊城那馬下旺都陽巡檢二十八人

改流四知州二人養利上石知縣二人崇善永康
四川二十五烏撒芒部烏蒙東川知府四人東川
府同知一人龍州判官一人龍州宣府知事一人
馬湖把事一人信寧海泥溪麻刺村昭平堡寒水
寧戎明月三岔巡檢八人溪龍阿用祿馬蠻夷白
水太平瀘沽驛永七人 改流知府一人馬湖

湖廣五南渭施溶上溪知州三人滑石江院塲坪

巡檢二人

廣東一龍門縣巡檢一人 右隸吏部驗封

雲南布政司領宣慰司七宣撫司三長官司二十
都司領安撫司三長官司三車里木邦孟養緬甸
老撾東里八百大甸爲七宣慰南甸干崖隴川爲
三宣撫十二關納樓茶甸教化三部王弄山磨容
甸溪處甸思陀甸左能寨落恐甸安南祿谷寨刺
次河革甸香羅尼魯之因達羅必甸馬龍他郎甸
者樂甸鉏兀芒市爲二十長官其都司領者安撫
三潞江鎮遠楊塘長官三茶山鳳溪施甸

湖廣都司領宣慰司二宣撫司四安撫司九長官
司二十蠻夷長官司五永順保靖爲二宣慰施南
散民忠建容美爲四宣撫東鄉五路忠孝忠路金
峒龍潭大旺忠峒高羅桑植爲九安撫臘惹峒交
著黃洞驢逢洞施容施白崖峒田家峒五寨尊子
坪搖把峒上愛茶峒劍南木冊鎮南唐崖椒山瑪
瑙五峯石寶木蓋源通塔平石梁下峒臻剖六峒
橫坡等處爲二十長官鎮遠隆奉西坪東流臘壁
洞爲五蠻夷長官

貴州布政司領宣慰司一安撫司一長官司五十

二蠻夷長官司二十都司領長官司十一

貴州宣慰金筑安擇貴竹水東青山剗佐龍里白
納底寨養龍坑施溪黃道溪水德江蠻夷沿河祐
溪偏橋而阡苗民葛彰葛商龍泉坪銅仁省溪提
溪大萬山平頭著可烏羅麻響木瓜大華上馬橋
大龍番程番卧龍番小程番方番金石番韋番洪
番盧番羅番盧山都勻平川六峒邦水豐寧平定
樂平募役頂營十二營康佐寧谷寨西堡爲五十
二長官中曹華西都坪峩異溪都素胡溪鎮遠金
容金達邛水十五洞潭溪八舟洪洲伯里曹滴洞

古洲西山陽洞湖耳亮歐陽新化中林驗洞赤
溪浦洞龍里爲二十蠻夷長官其都司領者新添
小平伐把平寨丹平丹行楊義樂平平伐大平伐
平浪九名九姓獨山州爲十一長官

四川布政司領宣慰司一宣撫司二安撫司三長
官司十二都司領宣撫司二招討司一安撫司四
長官司二十二行都司領長官司五

播州宣慰永寧龍州爲二宣撫草塘黃平黎州爲
三安撫泥溪平夷蠻夷沐川播州餘慶白泥容山
真州重安九姓平茶峒爲十二長官其都司領者

石砭西陽爲二宣撫天全六番招討八郎改角寨
麻兒者爲四安撫隴木頭靜州岳希達二耶峒邑
梅峒占藏先結族臘匪族白馬路山峒族阿昔峒
北定族麥匪族者多族牟力族班班族祈命族勒
都族包藏族阿昔族思囊兒族阿用族潘幹寨壘
奚麟卽爲二十四長官

廣西布政司領長官司三末安上林安隆 右隸
兵部武選

論曰明興平定四海凡夷獠蠻獫狁之地西起
巴蜀牂牁東抵湘楚包絡湖嶺東折而南南盡海

上又東跨百粵三江大者蕪據連城細者保持深
箐雖稍奉約束要在羈縻而已然其力稍健乍叛
乍歸苟功率過濫拊懷失策雄圖自縮狡窟益深
况地廣官高擅利習兵生齒益繁財貨益廣詐以
謀成罪以功解種憂懷禍蔑玩中土未可謂無虞
也嗟乎夏典要荒周官蕃鎮大抵因民順俗橫海
伏波逾嶴絕嶺輿地漸開化理終塞乃知天德無
私王道有量闢國陋於綏人曲防窘於曠度苟醜
類自獲飽煖中華不患荼毒吾又何求焉惟夫吏
好蓄積政多解弛或遠嫌自潔或求勝喜功於是

侵警日聞師徒數起綱漏網類夷夏並困茲欲收
總長策用圖久安必畫正疆理則鄰族靡爭預陳
嫡孽則宗庶自定世及之際以時覈聞錢穀之輸
一切報罷而又飭武事於節帥修文德於廟堂猾
亂之憂斯其鮮矣

皇明地理述附夷官考終

子履準校正